



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-5119-3
Sarajevo, 24.10.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2019. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke aktivne mrežne opreme (LOT 1 - mrežni ruteri i LOT 2 - mrežna oprema) za Ministarstvo unutrašnjih poslova Kantona Sarajevo, ministar unutrašnjih poslova Kantona Sarajevo, **d o n o s i**

ODLUKU
o izboru ponuđača za nabavku aktivne mrežne opreme

I

Na osnovu Odluke broj 01-14-4-5119 od 25.07.2019. godine i Obavještenja o nabavci broj 1364-1-1-43-3-35/19 od 19.09.2019. godine, proveden je otvoreni postupak uz primjenu e-aukcije u postupku nabavke aktivne mrežne opreme.

Komisija je shodno Zakonu o javnim nabavkama BiH, primjenjujući kriterij "najniža cijena", dala preporuku da se donese Odluka o dodjeli ugovora ponuđaču „KING ICT“ d.o.o Sarajevo sa ponudom u iznosu od 58.035,51 KM sa PDV-om, odnosno za LOT 1 - 21.001,50 a za LOT 2 - 37.034,01 KM.

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-14-4-5119 od 25.07.2019. godine i Obavještenja o nabavci broj 1364-1-1-43-3-35/19 od 19.09.2019. godine, proveden je otvoreni postupak uz primjenu e-aukcije u postupku nabavke aktivne mrežne opreme.

Javno otvaranje ponuda izvršeno je dana 10.10.2019. godine u 12:00 sati Komisija je pristupila otvaranju prispjele ponude o čemu je sačinjen Zapisnik o otvaranju ponuda i dostavljen ponuđaču u zakonskom roku.

Komisija je utvrdila da u postupku nabavke nije bilo postavljeno niti jedno pitanje od strane ponuđača.

Tendersku dokumentaciju je preuzelo 36 ponuđača dok je u predviđenom roku prispjela samo jedna ponuda, i to „KING ICT“ d.o.o. Sarajevo.

Prispjela ponuda je blagoveremena jer je prema Obavještenju o nabavci krajnji rok za dostavu ponuda bio 10.10.2019. godine do 10:00 sati.

Komisija je provjerila kvalifikacije ponuđača u skladu sa minimalnim zahtjevanim kvalifikacionim uslovima koje ponuđač treba da ispunjava.

Provjeravani su način uvezivanja ponude, primjena propisane forme dostavljenih dokumenata, validnost ponude, računska kontrola i konstatovano je da ponuda, ispunjava sve uslove predviđene tenderskom dokumentacijom i da je formalno-pravno ispravna i kvalifikovana.

S obzirom da je dostavljena samo jedna ponuda nisu se stekli uslovi za zakazivanje termina e-aukcije.

Shodno naprijed navedenom i utvrđenom činjeničnom stanju, uvažavajući kriterij za dodjelu ugovora „najniža cijena“, a u skladu sa čl. 65. i 70. Zakona o javnim nabavkama BiH („Sl.glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora za nabavku aktivne mrežne opreme (LOT 1 - mrežni ruteri i LOT 2 - mrežna oprema), ponuđaču „KING ICT“ d.o.o. Sarajevo u ukupnom iznosu od 58.035,51 KM sa PDV-om, odnosno za LOT 1 - 21.001,50 KM, a za LOT 2 - 37.034,01 KM.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



DOSTAVITI:

1. Ponuđaču,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

